

МОНГОЛ УЛСЫН ТӨРИЙН АЛБАНЫ ЗӨВЛӨЛИЙН
БАЯНХОНГОР АЙМАГ ДАХЬ САЛБАР ЗӨВЛӨЛИЙН
2023 ОНЫ ҮЙЛ АЖИЛЛАГААНЫ ТАЙЛАН

2023 оны 12 дугаар сарын 21

Номгон

Нэг. Удирдлага, зохион байгуулалтын талаар:

Баянхонгор аймаг дахь салбар зөвлөл нь 2023 онд Төрийн албаны зөвлөлийн тогтоолоор 7 хүний бүрэлдэхүүнтэйгээр ажиллалаа.

Тус салбар зөвлөл нь Төрийн албаны тухай хууль тогтоомж, Төрийн албаны зөвлөлийн бодлого, шийдвэр, Төрийн албаны зөвлөлийн 2019 оны 59 дүгээр тогтоолоор батлагдсан “Төрийн албаны зөвлөлийн салбар зөвлөлийн ажиллах журам”-д заасан үндсэн чиг үүргийг хэрэгжүүлэн ажиллалаа.

1.1 Төрийн албаны шинэтгэл, Төрийн албаны тухай хууль тогтоомж бодлого, шийдвэрийг хэрэгжүүлэх, хүний нөөцийн бодлогын хэрэгжилтэд хяналт-шинжилгээ, үнэлгээ хийх, энэ талаар харьяалах байгууллагад мэргэжил арга зүйн зөвлөгөө өгсөн байдал:

Төрийн албан хаагчдын сахилга, хариуцлага, Төрийн албаны суурь өгөгдлийн мэдээллийн санг үнэн зөв бүрдүүлэх, Төрийн албан хаагчдын албаны цахим хэрэглээг сайжруулах, чадавхжуулах, бүтээлч санал санаачилгыг дэмжих зорилгоор тус салбар зөвлөлөөс 2023 оныг “**ЁС ЗҮЙ, САХИЛГА ХАРИУЦЛАГАТАЙ ТӨРИЙН АЛБА**” жил болгон зарлаж, гүйцэтгэлийн төлөвлөгөөг нэгдүгээр хуралдаанаараа хэлэлцэн 4 зорилт 17 ажил, арга хэмжээг хэрэгжүүлэхээр баталж, эхний хагас жилийн байдлаар 95 хувийн биелэлтэйгээр хэрэгжилтийг зохион байгуулсан.

Төрийн албаны зөвлөлийн 2019 оны 59 дүгээр тогтоолоор батлагдсан “Төрийн албаны зөвлөлийн салбар зөвлөлийн ажиллах журам”-ын 3 дугаар зүйлийн 3.6.2, 5 дугаар зүйлийн 5.7-т заасан чиг үүргийн хүрээнд Төрийн албаны тухай хууль тогтоомж, бодлого шийдвэрийн хэрэгжилтийг хангах ажлыг эрчимжүүлэх, төрийн байгууллагуудад мэргэшил арга зүйн зөвлөгөө өгөх, хууль, тогтоомжийг сурталчлан таниулах зорилгоор 20 сум, аймгийн засаг даргын дэргэдэх 23 агентлагийн хүрээнд хяналт шинжилгээ, үнэлгээ, зөвлөн туслах ажлыг зохион байгуулж ажиллалаа.

Төрийн албаны тухай хууль, түүнтэй нийцүүлэн гаргасан дүрэм журмын хэрэгжилт, Төрийн албаны Зөвлөлөөс гаргасан 8 удаагийн үүрэг чиглэл өгөх, судалгаа, мэдээлэл авах тухай албан бичиг ирүүлснийг тухай бүрд шийдвэрлэн ажиллалаа.

Төрийн албаны тухай хууль тогтоомж бодлого, шийдвэрийн хүрээн дэх төрийн албан хаагчийн хөдөлмөрийн харилцаа, нийгмийн баталгаа, сургалт хөгжил, ёс зүйн зөрчил, сахилга хариуцлага, хүний нөөцийн удирдлагын нэгдсэн системийн

бүртгэл, хөтлөлт, төрийн албаны ерөнхий болон тусгай шалгалт зэрэг асуудлаар давхардсан тоогоор нийтдээ 3501 төрийн албан хаагч, иргэдэд биечлэн, утсаар, албан бичгээр мэргэжил, арга зүйн зөвлөгөө өгч ажиллалаа.

1.2 Төрийн албан хаагчид ёс зүйн хэм хэмжээг сахиулах ажлыг зохион байгуулах, энэ талаар үүрэг даалгавар, арга зүйн зөвлөгөө өгсөн байдал:

Төрийн албаны зөвлөл тус аймаг ажиллахтай холбогдуулан бэлтгэл ажлыг тусгай төлөвлөгөөний дагуу зохион байгуулж ажиллалаа.

Ажлын хэсэг орон нутгийн удирдлагуудтай уулзаж, Төрийн албаны тухай хууль тогтоомж, төрийн албаны шинэтгэлийн бодлогын хэрэгжилттэй танилцах, тулгамдаж буй асуудлуудын талаар төрийн албан хаагчийн санал хүсэлт сонсох, Салбар зөвлөлийн дарга, гишүүдтэй уулзалт хийж үүрэг чиглэл өгч, Төрийн албаны зөвлөлөөс хэрэгжүүлж буй ажил, төрийн албан хаагчийн нөөц, томилгоо, цалин хөлс, нийгмийн баталгаа, хөдөөгийн сэргэлт сэдвээр илтгэл тавьж, Төрийн албан хаагчдад Төрийн албан хаагчийн ёс зүйн тухай хууль, тогтоомж, хэрэгжүүлэх арга хэмжээний талаар танилцуулга, сургалт зохион байгуулсан.



Төрийн жинхэнэ албан хаагчийг сонгон шалгаруулж томилох болон хүний нөөцийн үйл ажиллагаанд хяналт шалгалт хийж, Төрийн албаны “Хүний нөөцийн удирдлагын мэдээллийн тогтолцоо” цахим систем дэх мэдээллийн баяжилтыг албан хаагч бүрээр шалган зөрчлийг илрүүлж, ажлын тайлан Төрийн албаны зөвлөлийн

тогтоолыг аймгийн Засаг даргад хүргүүлж ажилласан.

Засгийн газрын 2019 оны 33 дугаар тогтоолоор батлагдсан “Төрийн захиргааны болон үйлчилгээний албан хаагчийн ёс зүйн дүрэм”-ийн хэрэгжилтийг эрчимжүүлж, дүрэмд заасны дагуу 25-аас дээш албан хаагчтай байгууллагуудад “**Ёс зүйн зөвлөл**”-ийг шинэчлэн байгуулж үйл ажиллагааг эрчимжүүлэн ажиллах талаар 20 сум, аймгийн засаг даргын дэргэдэх 23 агентлагийн хүрээнд салбар зөвлөлөөс зөвлөн туслах ажлыг хийж хэрэгжилтэд хяналт тавин ажиллалаа.

Аймгийн хэмжээнд 181 төрийн байгууллагын **98** нь ёс зүйн зөвлөл ажиллаж, байгууллагын дэргэдэх **Ёс зүйн зөвлөлүүд** нийт **71 удаагийн** сургалт, зөвлөгөө, мэдээллийг **2000 гаруй** төрийн албан хаагчдад өгч ажиллажээ.

Төрийн албан хаагчдын сахилга хариуцлагыг сайжруулах, ёс зүйн хэм хэмжээг сахиулах талаар байгууллагуудын Дотоод журам, Хамтын гэрээ, Гүйцэтгэлийн төлөвлөгөө, Хөдөлмөрийн гэрээнд тусгуулж, хэрэгжилтийг хангуулан ажилласан байна.

Албан тушаалын тодорхойлолтоор хүлээсэн ажил үүргээ хангалтгүй биелүүлсэн, удирдлагаас өгсөн үүрэг чиглэлийг хэрэгжүүлээгүй, ажлын сахилга, хариуцлага алдсан зэрэг шалтгаанаар 37 төрийн албан хаагчид сахилгын шийтгэл ногдуулсан байна.

Салбар зөвлөл, Хууль эрх зүйн хэлтэс хамтран Төрийн албан хаагчид ёс зүйн хэм хэмжээг сахиулах ажлын хүрээнд Төрийн албан хаагчийн ёс зүйн тухай хуулиар талаар 10 удаагийн танхимын сургалтыг зохион байгуулж, 700 гаруй төрийн албан хаагчийг хамруулан сургалт, мэдээлэл хийсэн.



Богд, Баянцагаан, Галуут, Жаргалант сумдын төрийн албан хаагчдын нэгдсэн зөвлөгөөнийг Төрийн албаны зөвлөлийн Баянхонгор аймаг дахь салбар зөвлөл сумдын ЗДТГ-уудтай хамтран зохион байгууллаа. Зөвлөгөөнд нийт 200 гаруй Төрийн албан хаагч хамрагдсан

бөгөөд Төрийн албан хаагчийн ёс зүйн тухай хуулиар мэдээлэл хийж төрийн албан хаагчийн ёс зүйн хэм хэмжээг чанд баримтлан ажиллах талаар уриаллаа.

"ЁС ЗҮЙ, ХАНДЛАГА ЗӨВТЭЙ ТӨРИЙН АЛБА" АЯНЫГ 3 ДАХЬ ЖИЛДЭЭ ЗАРЛАЛАА.



Төрийн албан хаагчдын сахилга, хариуцлага, ёс зүйг дээшлүүлэх, бүтээлч санал, санаачилгыг дэмжих, ажлын бүтээмжийг нэмэгдүүлэх, чадавхжуулах, тэдний урам зоригийг сэргээх, хариуцлагатай, хүртээмжтэй төрийн албыг төлөвшүүлэх зорилгоор **"Ёс зүй, хандлага зөвтэй төрийн**

алба" аяныг 2023 оны 03 дугаар сарын 15-ны өдрөөс 10 дугаар сарын 01-ний хооронд Баянхонгор аймаг дахь Төрийн Аудитын газартай хамтран зохион байгуулж ажиллалаа.

Аяны хүрээнд:

1. “Төрийн албаны эрх зүйн шинэчлэл” сэдэвт сургалт зохион байгуулах;

2. “Төрийн алба-цахимжилт” Төрийн албаны Хүний нөөцийн систем хөтлөлтийг сайжруулах;

3. “Төрийн албаны шинэтгэл- Төрийн албан хаагчийн ёс зүй” сэдэвт Төрийн албан хаагчдын зөвлөгөөн зохион байгуулах зорилтуудыг дэвшүүлэн удирдамжийг боловсруулж, Салбар зөвлөлийн хуралдаанаар хэлэлцүүлж 2023 оны 18 дугаар тогтоолоор батламжлуулан, сум байгууллагуудад албан бичгээр хүргүүлсэн болно.

Удирдамжийн дагуу нийт 35 байгууллага буюу 7 сумын ЗДТГ, аймгийн Засаг даргын эрхлэх асуудлын хүрээний 13 агентлаг, 6 цэцэрлэг, 4 ерөнхий боловсролын сургууль, 5 сумын Эрүүл мэндийн төвөөс тус тус тайлан ирүүлсэн.

Тайлан ирүүлсэн нийт байгууллагууд аяныг зохион байгуулах төлөвлөгөө боловсруулан хэрэгжилтийг хангуулан ажилласан байна.

Төрийн албаны тухай хуулийн нэмэлт өөрчлөлт, дүрэм журмын шинэчлэлийн дагуу байгууллагын албан хаагчдад сургалт зохион байгуулах ажлыг нийт 31 байгууллагын 400 гаруй албан хаагчид хамрагдсан бөгөөд, байгууллагад шинээр томилогдсон албан хаагчдад чиглүүлэх сургалтыг зохион байгуулах ажлыг дотоод журамдаа тусган хэрэгжүүлсэн байна.

Төрийн албаны зөвлөлийн 2022 оны 600 дугаар тогтоолоор батлагдсан “Төрийн албан хаагчийн хувийн хэрэг хөтлөх журам”-ын шинэчлэлийн дагуу албан хаагчдын хувийн хэргийг шинэчлэх аяныг байгууллагууд зохион байгуулж журмын хэрэгжилтийг ханган ажилласан байна.

Мөн төрийн албаны “ХНУМТ” цахим системд мэдээллийг үнэн зөв оруулах, мэдээллийн шинэчлэх асуудлыг сум байгууллагын дарга, удирдлагуудад чиглэл хүргүүлж, аймгийн Засаг даргын Санхүү төрийн сангийн хэлтсээс холбогдох албан тушаалтанд сургалт зохион байгууллаа.

Төрийн алба-цахимжилт” Төрийн албаны Хүний нөөцийн систем хөтлөлтийг сайжруулах ажлын хүрээнд аймгийн төвийн төрийн байгууллагуудын 2023 оны 01, 02 сарын “Хүний нөөцийн удирдлага мэдээллийн тогтолцоо” цахим системд, албан хаагчдын цалин хөлсний тогтоолт, олголт, бараа материалын тайлан, анхан шатны баримтын бүрдэл, агуулах складын эмх цэгц, хүүхдийн ирцийн бүртгэлд хяналт шалгалтыг Санхүүгийн хяналт, дотоод аудитын алба, Санхүү, төрийн сангийн хэлтэс хамтран хийж гүйцэтгэсэн байна.

Төрийн албаны ёс зүй, хандлага соёлын шинэтгэл” сэдэвт сургалт, зөвлөгөөн, спортын бага наадмыг аймгийн Засаг даргын тамгын газар, 20 сумын Засаг даргын

Тамгын газрын 500 орчим төрийн албан хаагчдыг хамруулан 2 өдрийн турш зохион байгуулж, аймгийн Засаг даргын нөөц хөрөнгөөс 25.5 сая төгрөгийг зарцууллаа.



Тайлант хугацаанд аяны зорилго зорилтыг идэвх санаачилгатай, үр дүнтэй зохион байгуулсан байгууллагыг шалгаруулах ажлыг Салбар зөвлөлийн 2023 оны 8 дугаар хуралдаанаар хэлэлцүүлэн шийдвэрлүүллээ. Гишүүдийн олонхын саналаар томилгооны зөрчилтэй байгууллагыг шалгаруулалтад оруулахгүй



гэсэн байр суурьтайгаар тайлангуудтай нэг бүрчлэн танилцаж, аймгийн Хөгжимт драмын театр, Бөмбөгөр сумын Хүүхдийн цэцэрлэг, Баянлиг сумын Засаг даргын тамгын газрыг тус тус шалгаруулан талархал мөнгөн шагналаар шагнаж урамшууллаа.

Салбар зөвлөл нь аймгийн Жендерийн салбар хорооны төлөвлөгөөнд тусгагдсан заалтын хүрээнд Жендерийн үндэсний хорооны сургагч багшаар бэлтгэгдсэн 6 багштай хамтран 2 сумын төрийн байгууллага, 23 агентлагийн нийт 200 гаруй төрийн албан хаагчдад “Жендерийн эрх тэгш байдлыг хангах бодлого төлөвлөлт, төсөвлөлт” сэдвээр 5 модуль сургалтыг зохион байгууллаа.



1.3 Салбар зөвлөлийн хуралдаан, түүний шийдвэрлэлт:


Тус Салбар зөвлөл нь 8 удаагийн хуралдааныг хийж, эрх хэмжээний хүрээнд 51 асуудлыг хэлэлцэн 34 тогтоол шийдвэр гаргаж, хэрэгжилтийг 100 хувь зохион байгуулан ажилласан. Салбар зөвлөлөөс эрх хэмжээний хүрээнд нийт 159 албан бичгийг боловсруулан холбогдох байгууллагуудад хүргүүлж, үүнээс орон нутгийн хэмжээнд Төрийн албаны тухай хууль, тогтоомж, төрийн албаны стандарт, Төрийн албаны зөвлөлөөс гаргаж буй бодлого, шийдвэрийн хэрэгжилтийг зохион байгуулах, хяналт тавих, ирсэн албан бичгийн шийдвэрлэлтийн хариуг хүргүүлэх чиглэлээр 108, аймгийн хэмжээнд төрийн байгууллагуудад чиглэл хүргүүлсэн 35, иргэдийн өргөдөл, гомдлыг шийдвэрлэж хариуг хүргүүлсэн 16 албан бичгийг тус тус гаргалаа.



Тайлант хугацаанд **451** албан бичиг ирснээс хариутай 151 албан бичгийг 100 хувьтай шийдвэрлэж ажиллалаа.

Салбар зөвлөлд иргэдээс нийт 16 өргөдөл, гомдол ирүүлснийг хуралдаанаар хэлэлцэн 16 өргөдөл, гомдлыг шийдвэрлэж, хариуг хуулийн хугацаанд нь хүргүүлсэн. Өргөдөл гомдлын шийдвэрлэлт 100 хувь байна.

Салбар зөвлөлд ирүүлсэн өргөдөл, гомдлын тоо:



Салбар зөвлөлд ирүүлсэн өргөдөл, гомдлыг:

Хоёр. Төрийн албаны нөөц бүрдүүлэх талаар:

2.1 Харьяалах байгууллагын “Хүний нөөцийн удирдлагын систем”-д мэдээлэл оруулж, төрийн байгууллагыг төрийн албан хаагчийн тоо бүртгэл хөтлөхөд мэргэжил арга зүйн удирдлагаар хангасан байдал:

Төрийн албаны тухай хуулийн 16 дугаар зүйл, Засгийн газрын 2019 оны 74 дүгээр тогтоолоор батлагдсан “Улсын нэгдсэн тоо бүртгэлийг хөтлөх журам”-ын дагуу тус салбар зөвлөлд харьяалагдах 181 төрийн байгууллага дээрх системийг хөтлөн явуулдаг.

Салбар зөвлөлөөс “Ёс зүй, хандлага зөвтэй төрийн алба” аяныг зарлаж, аяны хүрээнд төрийн байгууллагууд улсын нэгдсэн тоо бүртгэл хөтлөлтийн үйл ажиллагааг эрчимжүүлэх зөвлөн туслах арга хэмжээг шат дараатай зохион байгуулахаар төлөвлөн ажилласан.

“Хүний нөөцийн удирдлагын систем”-д мэдээлэл оруулж, төрийн байгууллагыг төрийн албан хаагчийн албан тушаалын тодорхойлолтыг хянуулах арга хэмжээ авч ажиллах талаар Салбар зөвлөлийн 2 удаагийн албан бичгээр хугацаатай үүрэг чиглэлийг 181 төрийн байгууллагад хүргүүлж ажиллав.


Төрийн албаны улсын нэгдсэн тоо бүртгэлийг хөтлөх, хүний нөөцийн цахим системд мэдээлэл оруулах талаар нийт 121 төрийн байгууллагын давхардсан тоогоор 100 гаруй удирдах болон гүйцэтгэх албан хаагчид мэргэжил арга зүйн зөвлөгөө дэмжлэг үзүүлэн, www.facebook.com /Баянхонгор Хүний нөөцийн асуудал хариуцсан ажилтны групп чат, ТАЗ-ийн Баянхонгор аймаг дахь салбар зөвлөл гэсэн удирдах ажилтнуудын групп чат/-аар тус тус мэдээллийг түгээн холбогдох асуудлыг тухай бүр шийдвэрлэн ажилласан.

Гурав. Төрийн албаны шалгалт зохион байгуулсан талаар:

3.1.Төрийн албаны Ерөнхий шалгалтыг холбогдох журмын дагуу зохион байгуулсан байдал:

Төрийн албаны ерөнхий нөөц бүрдүүлэх шалгалтыг 2023 оны 3, 6, 9, 11 дүгээр сард Төрийн албаны ерөнхий шалгалтыг Төрийн албаны зөвлөлийн 2023 оны 25 дугаар тогтоолоор батлагдсан журмын хүрээнд Төрийн албаны зөвлөлөөс гаргасан тов, чиглэлийн дагуу 4 удаа шалгалтыг зохион байгуулж, 143 иргэний ерөнхий нөөцийг бүрдүүллээ.

2023 оны төрийн албаны нөөц бүрдүүлэх ерөнхий шалгалтыг зохион байгуулсан тухай




Тус аймагт төрийн албаны ерөнхий шалгалтад орж, нөөцөд бүртгэгдэж буй иргэдийн шалгалтын онооны үзүүлэлт өмнөх оны дүнтэй харьцуулахад өссөн нь аймгийн хэмжээнд төрийн албаны ерөнхий шалгалтын мэдээллийн хүртээмж сайжирч, иргэдийн мэдлэг, мэдээлэл болон шалгалтад бэлдэж оролцох хандлага өөрчлөгдсөнийг доорх чанарын үзүүлэлт харуулж байна.

3.2 Төрийн албаны тусгай шалгалт, сонгон шалгаруулалт явуулах захиалгыг хүлээн авах, хянах, зарлуулах, нэр дэвшүүлсэн шийдвэрийн хэрэгжилтийн байдал:

Төрийн албаны зөвлөлийн 2023 оны 25 дугаар тогтоолоор батлагдсан “Төрийн албаны шалгалт өгөх болзол болон шатлан дэвшүүлэх, сонгон шалгаруулах журам”-ын дагуу Төрийн үйлчилгээний байгууллагын төсвийн шууд захирагчийн 3 удаагийн 3 сул орон тоог нөхөх шалгалтыг нийтэд зарлан, зохион байгуулж, 3 сул орон тоог нөхсөн.

2023 оны ТҮБТШЗ-ийн сонгон шалгаруулалтыг зохион байгуулсан талаар:



Төрийн захиргааны байгууллагын удирдах болон гүйцэтгэх албан тушаалын 4 удаагийн давхардсан тоогоор 191 сул орон тоог нөхөх тусгай шалгалтыг нийтэд зарлаж, 8 удаагийн шалгалтыг зохион байгуулж, 57 сул орон тоог нөхсөн.

Төрийн албаны сул орон тоог нөхөх тусгай шалгалтыг зохион байгуулсан талаар:





Дөрөв. Сургалт, судалгаа, сурталчилгаа хийх талаар:

Төрийн байгууллага Төрийн албаны тухай хуулийн 55 дугаар зүйлийн 55.3-т заасны дагуу төрийн албан хаагчийн сургалтын хөтөлбөр баталж, хэрэгжүүлэх, мөн хуулийн 23 дугаар зүйлийн 23.1.2, 24, 29 дүгээр зүйл, 38 дугаар зүйлийн 38.1.9 дэх заалтад төрийн захиргааны албан хаагчдыг мэргэшүүлэх багц сургалтад үе шаттайгаар хамруулах чиг үүргийг хэрэгжүүлэх, мөн төрийн албан хаагчийн ажлын гүйцэтгэл, үр дүнд үндэслэн чадавхжуулах, ажлын байранд нь мэргэшүүлэх төлөвлөлтийг байгууллагын төсөвтэй уялдуулан хийж, хэрэгжилтийг ханган ажиллах үүргийн хүрээнд аймгийн 142 төрийн байгууллагын 81 байгууллагын албан хаагчдыг чадавхжуулах сургалтын хөтөлбөрийг батлан хэрэгжилтийг ханган ажиллаж байна.

Аймгийн хэмжээнд төрийн албан хаагчдыг чадавхжуулах давхардсан тоогоор 10 сэдвийн хүрээнд 15 удаагийн сургалтад 3000 гаруй төрийн албан хаагчийг хамруулсан.

Шинэчлэн батлагдсан 5 журмыг эмхэтгэн Салбар зөвлөлийн гишүүд болон бусад холбогдох албан тушаалтнуудад хүргэж ажиллав. Мөн шинээр батлагдсан журмуудыг иргэдэд ойлгогдохуйц агуулгаар видео, ярилцлага бэлтгэн цахимаар нийтэд мэдээлж ажиллалаа.



Төрийн албаны тухай хууль тогтоомжийг төрийн албан хаагч, иргэдэд сурталчлах зорилгоор тус салбар зөвлөлөөс видео, нэвтрүүлэг, постер зэргийг бэлтгэн Төрийн албаны зөвлөлийн Баянхонгор аймаг дахь салбар зөвлөл цахим групп, аймгийн www.bayankhongor.gov.mn албан ёсны цахим хуудсаар дамжуулан олон нийтэд сурталчилж байна.

Төрийн албан хаагчийн ажиллах нөхцөл, нийгмийн баталгааг хангах асуудлаар зохион байгуулсан ажил, үр дүн, түүний хэрэгжилтийн талаар:


Төрийн албан хаагчийн ажиллах нөхцөл, нийгмийн баталгааг хангах хөтөлбөр баталж, ажилтан албан хаагчийн ажиллах нөхцөл, нийгмийн баталгааг хангах хөтөлбөр баталсан 153 байгууллага байна.

Аймгийн хэмжээнд 2023 оны байдлаар албан хаагчдын нийгмийн баталгааг хангах чиглэлээр 2,104,997.761 төгрөгийн санхүүжилтийг тус тус шийдвэрлэсэн байна.

Баянхонгор аймаг дахь салбар зөвлөлөөс Улсын Их Хурлын “Төрийн захиргааны албан тушаалын зэрэг дэв, түүний нэмэгдэл олгох журам” батлах тухай 21 дүгээр тогтоолоор батлагдсан журмын дагуу Төрийн захиргааны албан тушаалын зэрэг дэв олгох болзол шаардлагыг хангасан төрийн захиргааны албан хаагчдад зэрэг дэв олгуулах саналыг аймгийн Засаг даргад уламжлан шийдвэрлүүлээ.

Болзол, шаардлагыг хангасан 23 байгууллагын 122 төрийн жинхэнэ албан хаагчдын зэрэг дэвийг шинээр болон ахиулан олгох асуудлыг Салбар зөвлөлийн хуралдаанаар хэлэлцэн, саналыг аймгийн Засаг даргад уламжилж, аймгийн Засаг даргын захирамжаар шийдвэрлэсэн.

Төрийн жинхэнэ албан хаагчдын зэрэг дэвийг шинээр болон ахиулан олгосон байдал:



Төрийн албаны тухай хуулийн 36 дугаар зүйлийн 36.1 дэх заалт, Монгол Улсын Ерөнхийлөгчийн 1995 оны 109 дүгээр зарлигаар батлагдсан “Төрийн захиргааны албан хаагчийн тангараг өргөх ёслолын журам”-ыг үндэслэн, Төрийн албаны тухай хуулийн 22, 27, 28, 31 дүгээр зүйлд тавигдсан шаардлага, нөхцөл болзлыг хангаж, төрийн албаны шалгалтад тэнцэн, тухайн албан тушаалд туршилтын хугацаанд ажиллахдаа төрийн албан хаагчийн зорилго, зорилт, чиг үүргээ мэргэжил ур чадварын зохих түвшинд амжилттай гүйцэтгэж байгаа төрийн

захиргааны 15 байгууллага, 10 сумын нийт 70 албан хаагчаар “Төрийн албан хаагчийн тангараг” өргүүлэх ёслолын ажиллагааг зохион байгууллаа.

Төрийн албан хаагчид тангаргийн хуудсанд гарын үсэг зурж, “Төрийн далбаа”-нд ёсолж, Тангараг өргөх нэр бүхий албан хаагчдаас хамгийн ахмад ажилтан Их богдын байгалийн цогцолборт газрын хамгаалалтын захиргааны Баянлиг сумын Байгаль хамгаалагч Аюушийн Бадмаадорж “Төрийн захиргааны албан хаагчийн тангараг”-ийг уншиж, бусад төрийн албан хаагчид давтан нэгэн зэрэг уншиж төрийн албан хаагчийн “Тангараг өргөх ёслол”-ыг гүйцэтгэв.

Монгол Улсын Төрийн албаны зөвлөлийн 2013 оны 71 дүгээр тогтоолоор



батлагдсан “Төрийн албаны тэргүүний ажилтан” тэмдгээр шагнах журамд заасан болзол, шаардлага хангасан төрийн захиргааны байгууллагад тасралтгүй олон жил үр бүтээлтэй ажиллаж хөдөлмөрийн тогтвортой амжилт гаргасан 4 албан хаагчийн материалыг хүлээн авч хэлэлцэн “Төрийн албаны Тэргүүний ажилтан” цол, тэмдгээр шагнуулахаар уламжилсан.

Төрийн албаны тухай хууль, холбогдон гарсан журам, дүрэм, салбар зөвлөлийн үйл ажиллагааг олон нийтэд сурталчлан таниулах, хууль тогтоомжийн хүрээнд төрийн байгууллагаас хийж хэрэгжүүлж буй ажил арга хэмжээг аймгийн www.bayankhongor.gov.mn цахим хуудас, www.facebook.com Баянхонгор аймаг дахь Төрийн албаны зөвлөлийн салбар зөвлөл хаяг, салбар зөвлөлийн мэдээллийн самбарт байршуулан мэдээлэн ажилласан байна.

БАЯНХОНГОР АЙМАГ ДАХЬ САЛБАР ЗӨВЛӨЛ